

### **Margaret River – Glenelg Perth**

In Busselton sind mir, nachdem mir eimal meh z'dritte uf eim Bett pfuset händ, am Morge zum „Jetty“(Bootssteg)! Dä isch 1800m lang und au wenn's mir chli g'schtunke hät, aber voll use glaufe und wieder zrugg! I bi halt immer no en rechte Morgemuffel und so Aktivitäte am Morge frühe, sind eifacht nid so mis Ding! In Bunbury, händ mir eigentli wellä go Delphine aaluege, aber die chömed nid jede Tag und g'regnet und blitzt hät's gad au, also isch's wiiter nach Perth gange! Mir händ also d'Skyline und en Teil vo de Stadt, zum Autofenster uhs scho gseh! Dä Rest lueged mir aber erst aa, bevor mir hei oder wieter gönd! Mir händ trotzdem i mä Vorort ufeme Campingplatz übernachtet. Isch en recht tüüre Platz gsi, däfür häts es Pool gha wie i mä 4 Sternhotel! Uh lass! ☺

### **Perth – Nambun National Park**

Am Nächste Tag, nachdem mir endli dä Weg, also die richtig Strass für in Norde gfunde händ, sind mir in Nambun National Park gfahre! D' „Pinnacles“ sind im Nambun National Park und echt iidrücklich! Da stönd bis zu 4m hochi Steisüle im gelbe Sand und es hät hunderti und mer chan durdur fahre. Dä Umweg hät sich echt g'glohnt. Bim Nationalpark sind mir grad no an en wunderschöne einsame Strand, chli go bädele. S'Wetter isch endli wieder besser, und wenn keis Windli gaht isch es echt heiss, und mir für e abkühlig dankbar. Übernachtet händ mir in GERALTON, ufeme Campingplatz vo dä eltere Generation, tja!☺

### **GERALTON – Monkey Mia**

Am nächste Tag wieder emal 415km, isch da in Australien kei Distanz ....hihihihihi! Aber s'hät sich echt g'lohnt! Händ z'erst en Stop bi dä Shell Beach gmacht. Dä Strand besteht tatsächlich nur us Müscheli und er isch also nid grad chli!! Di 1. Nacht händ mir in Denham (die westlichschti Ortschaft vo Australien) pfuset, uf eme Camping wo mir direkti Meersicht gha händ! Am nächste Tag isches denn nach Monkey Mia, i dä hoffnig Delfine z'gseh! Das isch ä Bucht wos Delfine tüend fütterte, die aber nur chömed, wenn sie lust händ. I hans am Abig denn au no mehreri mal gseh, eifacht de Küste nah sind sie g'schwumme, uh schön! Sind scho uhh härzigi Tier! Am Abig isch uf em Camping (wo us em Resort und Back Packer besteht), gad no es Konzert vo verschiedene Band's gsii, eifach super! So, sind mir 3 au mal no im Uusgang gsii! ☺ Da's eus so guet g'falle hät, sind mir au no en Tag länger blibe und händ eifach mal nume bädelet und relaxed!

### **Monkey Mia - Perth**

Am nächste Tag isch's wieder uf dä Weg richtig Perth gange. Händ das i 2 Tag gmacht und es isch meh oder weniger us Autofahre bestande! In Perth sind mir wieder uf dä gliich Camping wie s'erscht mal, chli usserhalb vom City Center (bi Karrinyup), da eus das mit däm riise Pool det scho super guet gfallä hät! Am 1. Tag sind mir z'erst mitem Auto uf Fremantle. Das isch fröhener mal en eignig Stadt gsii, aber jaetz gits e kei trennig meh zu Perth, isch richtig zämegwachse. Det händ mir s'Auto aber stah la und sind z'Fuess chli go umegügle. Dä Hafe s'Roundhouse, (s'ältische Gebäude vo Fremantle und ehemalige Gfängnis) und Shoppinggässli

händ mir g'seh. Häd leider nid alles offe gha, da d'Westaustralier a dem Tag wie bi eus dä 1. Mai gha händ! Trotzdem händ mir chli chöne go pöstele! Bädelet händ mir denn au no, gnueg heiss dezue isch es ja gsi! ☺

Mit pöschtele isch au am nächschte Tag in Perth wiitergange und i ha cho fascht chli verbarme gha mit em Papi. Mir sind also vom 10.30 bis am 17.00 in Perth am lädele gsii ☺! Zum Glück hät's emal no es kühels Bier gäh susch wär de Papi vilicht plötzlich hei und hetti uufgäh! Guet bi 42° isch's shoppe gad no guet gsii, denn häsch di i dä Läde wenigstens no chli chöne abkühele! Am 3. Tag dind s'Mami und dä Papi mit dä Fähre uf Rottneest Island. Dert händs Velo g'mietet und sind go schnorchle. Ha mir scho chli Sorge gmacht, will bi 50° a de Sunne, holt mer sich sauschnell en Sunnestich- oder Sunnebrand! ☹ I ha dä ganz Tag Sache erlediget, vo Souvenirs pöschtele, Briefe schriebe und am Schluss bin i denn mit eim gnuss is Pool go bädelä! Das händ d'Velofahrer denn au g'macht. Am Abig händ mir no lang mit dä Nicole und em Walti g'redet. Sie sind mit ihrem Camper vo dä Schwiiz über Indie, Südostasie bis nach Australien gfahre! Mega läss! Ä Zürchernummere! Hüt isch dä 3. letschti Tag und packe isch aagseit. I ha mi müesse entscheide, was i mitnimm und was i hei gib und das hät also doch fasch en Morge bruucht! ☺ Dä vom Campingplatz hät g'meint ob mir en Garage Sale mached? Jetzt lieged mir bi Perth a mä Strand und sind'eifach no chli am gnüsse! Vo dä letschte 2 Tag chan I jetzt nüt meh schriibe, da das Büechli bim Mami id Tasche gaht und i dä Schwiiz iitögelet wird, damit ihr endli wieder mal öpis z'lese händ!